

Desiree Croes den “Un Dia den Bida” cu Poentje Castro na Tele Aruba



STA. CRUZ -- Pa medio di esaki Museo Numismatico Arubano kier informa pueblo cu e presentado Poentje Castro lo presenta y entrevista nan directora, Desiree Croes, den e programa: UN DIA DEN BIDA, diahuebs awor dia 15 di Juni pa 9'or di anochi.

E entrevista ta uno exclusivo caminda Desiree ta papia habri riba con e la lanta den un famia caminda coleccionamento di placa ta sumamente importante.

E memorianan cu e tin claba den su mente di su kerido defunto abuelo ta clave pa e trabao cu e ta haci awendia, sigui cu e trabao di su abuelo y su tio Ruben Odor. Dos coleccionista grandi y remarcabel pero cual Mario Odor a marca historia door di a colecciona cu asina tanto pasion pa forma un museo di placa aki na Aruba mes. Fundacion Juan

Mario Odor a ser funda cu e meta pa proteha, conserva y expone tur coleccion di J. Mario Odor. Mayoria pais na mundo **NO** ta conta cu un Museo Numismatico, e ta crème de la crème, den mundo di museo. Antes, den epoca antiguo, ta e reynan so por a colecciona placa. Ora sinta y pensa bon e trabao y balor cu e museo aki ta representa pa nos isla, hopi hende lo no comprende ni sikiera su importancia historico riba nivel mundial cu e museo aki ta representa.

Aruba mester ta orguyoso di su Museo Numismatico Aruba y di por a conoce un Arubiano asina eccentrico cu dicide di colecciona placa di henter mundo pa mas di 60 aña di su bida, impresionante. Fundacion J. Mario Odor ta invitabo waak e repiticion di programa diadomingo pa 5'or di atardi na Telearuba canal 13.